

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
24.08.2020թ. կայացված ԱՖ459183 որոշումն անփոփոխ, իսկ վարչական բողոքն առանց
բավարարման թողնելու մասին

<<08>> 10 2020թ. 7-13- 12645

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Անդրանիկ Մարությանի ՄԴ/136369-20 դիմումի քննարկման արդյունքում
ստեղծված նյութերը՝

Պ Ա Ր Զ Ե Ց Ի

Քաղաքացի Անդրանիկ Մարությանը (ծանուցման հասցե՝ քաղաք Երևան, Քանաքեռ 14-րդ
փողոց, 38/1 շենք, 11 բնակարան) դիմումով խնդրել է բեկանել Ճանապարհային
ոստիկանության վարչական իրավախախտման վերաբերյալ գործով 24.08.2020թ. կայացված
ԱՖ459183 որոշումը՝ նշելով, որ համաձայն չէ որոշմամբ արձանագրված իրավախախտման
հետ: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ
չունի:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 24.08.2020թ. կայացված ԱՖ459183 որոշումը ենթակա է կատարման
հետևյալ պատճառաբանությամբ.

<< կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> 28.06.2007թ. թիվ 955-Ն որոշման 52-րդ կետի համաձայն՝ երկկողմ երթևեկությամբ
ճանապարհներին գծանշման բացակայության դեպքում հանդիպակաց երթևեկության կողմ է
համարվում երթևեկելի մասի լայնության ձախ կեսը՝ չհաշված երթևեկելի մասի լայնացումները
(թափառքի և արգելակման գոտիներ, ընդհանուր օգտագործման տրանսպորտային միջոցների
կանգառի համար լայնացված տեղեր և այլն):

Տրանսպորտային միջոցների վարորդների կողմից հանդիպակաց երթևեկության գոտի
դուրս գալը, եթե դա կապված չէ վազանքը թույլատրված տեղերում վազանք կատարելու կամ
կանգնած տրանսպորտային միջոցը կամ խոչընդոտը շրջանցելու հետ, և եթե առանց
հանդիպակաց երթևեկության գոտի դուրս գալու անհնար է շրջանցել կանգնած
տրանսպորտային միջոցը կամ խոչընդոտը՝ առաջացնում է տուգանքի նշանակում՝ սահմանված
նվազագույն աշխատավարձի քսանհինգապատիկի չափով

Ուումնասիրությամբ պարզվել է, որ 24.08.2020թ. ժամը 16:35-ի սահմաններում Մարգարա
– Վանաձոր ճանապարհահատվածում քաղաքացի Անդրանիկ Մարությանի վարած <<OPEL>>
մակնիշի 36PG485 հաշվառման համարանիշի տրանսպորտային միջոցը կանգնեցվել է
Ճանապարհային ոստիկանության ՃՊԾ 2-րդ սպայական գումարտակի 2-րդ սպայական
վաշտի 1-ին սպայական դասակի տեսուչներ, ոստիկանության կապիտաններ Խ.Ավետիսյանի և
Տ.Փանոսյանի կողմից ճանապարհային երթևեկության կանոնի խախտման համար՝ այն է
վարորդը դուրս է եկել հանդիպակաց երթևեկության գոտի, որը կապված չէ վազանքը
թույլատրված տեղերում վազանք կատարելու կամ կանգնած տրանսպորտային միջոցը կամ
խոչընդոտը շրջանցելու հետ: Վարչական իրավախախտումների վերաբերյալ << օրենսգրքի
124-րդ հոդվածի 18-րդ մասի համաձայն վարորդի նկատմամբ կազմվել է համապատասխան
վարչական արձանագրություն և կայացվել ԱՖ459183 որոշումը՝ վերջինիս 25000 << դրամի
չափով տուգանելու վերաբերյալ:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Անդրանիկ Մարությանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ459183 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները:** Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ դիմումատուի արարքում առկա են Վարչական իրավախախտումների վերաբերյալ << օրենսգրքի 124-րդ հոդվածի 18-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 24.08.2020թ. կայացված ԱՖ459183 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Անդրանիկ Մարությանին և Ճանապարհային ոստիկանության ՃՊԾ 2-րդ սպայական գումարտակ:

Կատարող՝ Ա.Միրզոյան
Հեռ. 060-83-84-02



Ե. Կարապետյան